



KENYATAAN BERSAMA • 4 APRIL 2023

Malaysia Perlu Undang-Undang Vape Sebelum Mengenakan Cukai

Gabungan Kesihatan Malaysia amat prihatin dan kecewa dengan keputusan untuk mengutip cukai eksais atas cecair nikotin dan gel yang digunakan dalam e-rokok dan peranti vape mulai 1 April 2023. Keputusan ini diumumkan pada 31 Mac 2023 dalam Warta Persekutuan.

Kami maklum bahawa undang-undang sedia ada di Malaysia tidak membenarkan atau mengharamkan e-rokok atau peranti vape dengan jelas. Oleh itu, status e-rokok dan peranti vape adalah tidak tertulis dan tidak jelas, tanpa sebarang peraturan untuk mengawal penggunaan peranti vape atau mengurangkan bahaya peranti vape kepada populasi yang terdedah seperti kanak-kanak atau remaja.

Bagi membolehkan cukai eksais ini dilaksanakan secara sah, Menteri Kesihatan terpaksa mengecualikan cecair dan gel nikotin daripada Akta Racun 1952 (juga diumumkan pada 31 Mac 2023). Kami kesal kerana pengecualian ini diperlukan sebagai langkah pentadbiran kerana Malaysia masih belum membuat keputusan untuk membenarkan atau mengharamkan peranti vape.

Kami amat mengambil berat tentang implikasi kesihatan awam akibat penggunaan vape dan tembakau, terutamanya dalam kalangan kanak-kanak dan remaja. Kami menyokong Generasi Penamat (GEG) dan kami menyokong larangan langsung terhadap vape. Peraturan yang ketat akan membawa Malaysia sejajar dengan norma antarabangsa yang semakin berleluasa. Negara yang sebahagian atau sepenuhnya mengharamkan vape termasuk Australia, Argentina, Brazil, Kanada, Hong Kong, Indonesia, Qatar, Singapura, Thailand dan banyak negeri di Amerika Syarikat.

Kami menggesa Kerajaan menangguhkan pelaksanaan kutipan cukai eksais dan pengecualian nikotin daripada Senarai Racun sehingga Rang Undang-undang Peraturan & Kawalan Tembakau diluluskan. Kami juga menggesa Kerajaan untuk membahaskan dan membuat keputusan mengenai status undang-undang vape di Malaysia sebagai sebahagian daripada Rang Undang-undang tersebut. Kami seterusnya menggesa Kerajaan untuk mengenakan peraturan yang lebih ketat secara beransur-ansur ke atas tembakau secara keseluruhan, dengan cita-cita untuk mencapai Negara Sifar Merokok. Tiada jumlah cukai yang dikutip akan lebih bernilai daripada kesihatan rakyat Malaysia, kesihatan anak-anak kita, dan kesihatan sistem kesihatan kita.

BERKHIDMAT UNTUK NEGARA.

Gabungan Kesihatan Malaysia (*Senarai tandatangan penuh di myhealthcoalition.org*)

4 April 2023

Senarai tandatangan penuh:

Organisasi

1. Academy of Medicine Malaysia
2. Association of Malaysian Optometrists
3. Asthma Malaysia
4. College of Anaesthesiologists
5. College of Ophthalmologists
6. Dermatological Society of Malaysia
7. IKRAM Health Malaysia
8. Islamic Medical Association of Malaysia
9. Lung Cancer Network of Malaysia
10. Malaysian Association for Bronchology and Interventional Pulmonology
11. Malaysian Association of Clinical Biochemists
12. Malaysian Association of Dental Public Health Specialists
13. Malaysian Association of Environmental Health
14. Malaysian Coalition of Ageing
15. Malaysian Dental Association
16. Malaysian Family Medicine Specialists' Association
17. Malaysian Medical Association
18. Malaysian Paediatric Association
19. Malaysian Pharmacists Society
20. Malaysian Society of Anaesthesiologists
21. Malaysian Society of Clinical Psychology
22. Malaysian Society of Geriatric Medicine
23. Malaysian Society of Ophthalmology
24. Malaysian Thoracic Society
25. Medical Mythbusters Malaysia
26. Medical Practitioners Coalition Association of Malaysia
27. MedTweetMy
28. Obstetrical and Gynaecological Society of Malaysia
29. Public Health Malaysia

Individu

1. Assoc Prof Dr Uma Devi Palanisamy
2. Dato' Dr Amar Singh-HSS
3. Dato' Dr Jahizah Hassan
4. Dr Khor Swee Kheng
5. Dr Manoharan Shunmugam
6. Dr Sri Wahyu Taher
7. Prof Datuk Dr Lokman Hakim Sulaiman
8. Prof Datuk Dr Zulkifli Ismail
9. Prof Dr Asri Said
10. Prof Dr GR Letchuman Ramanathan
11. Prof Dr Mohd Zamrin Dimon
12. Prof Dr Roslina Abdul Manap
13. Prof Dr Sanjay Rampal
14. Prof Dr Zaleha Abdullah Mendy

Diselaraskan oleh: Dr Sean Thum